

Oqaaseqaatit nalinginnaasut

Inunnik angallassissutinik eqqussuinermi akitsuutinik allannguissamik siunnersuuteqarnermi pingaernerutinneqarput taxanik qamutaatillit, qamutaatiminnik taarsiinerminni aningaasaqarniarnerannik oqilisaassinissaq kiisalu taxanik qamutaateqarnermik aallartittussat nutaat oqilisaassiffigineqarnissaat. Ilutigitillugu qulakkeerneqassaaq inuit biilii "akitsuutikitsut" taamaattut, taxanik qamutaatilinnut immikkut iluanaarutaasumik namminerisamik biilitut tuniniagaannginnissaat.

Taamaattumik siunnersuutigineqarpoq inuit biiliisa inunnik angallassissutaannartut atugassat akitsuutaasa 50 pct.-iisa kisimik biilit eqqunneqarneranni akiligassanngortarnissaat kiisalu inunnik angallassissutit ataavartumik minnerpaamik 250.000 km.-inik ingerlaareersimatillugit, imaluunniit inunnik angallassissutit ataavartumik sivikinnerpaamik ukiuni 5-ni minnerpaamillu 175.000 km.-inik ingerlaareersimatillugit akitsuutip ilaa kinguartikkallarnejartoq akiligassaajunnaavittassasoq.

Aammattaaq piumasaavoq inunnik angallassissutit nakkutilliinermut atortulerneqarsimanissaat, inunnik angallassissutit ingerlaarnerminni ilaasoqarsimanerat tassuunakkut nalunaarsorneqarsinnaassalluni. Nakkutilliinermut atortoq taxameterip kilometerinik ilaasoqarfusimasunik kisitsissutaanut naapertuuttumik atuutissaaq.

Inunnik angallassissutit sivikinnerpaamik ukiuni 3-ni imaluunniit minnerpaamik 250.000 km.-inik ingerlaareersimanngitsut allatut atugassanngorlugit nalunaarsortinneqarnerat ingerlatsinermi aningaasartuutinut attuumassuteqanngimmat, siunnersuutigineqarpoq taamaattoqartillugu eqqussuinermi akitsuutip ilaata kinguartikkallarnejartup tamakkerluni akiligassanngortarnissaa.

Inunnilli angallassissutit ilaat ukiut 3-t 4-lluunniit qaangiutiinnartut inunnik angallassissutigiinnarneqarnissaminnut naleqqugunnaartarmata siunnersuutigineqarpoq, inunnik angallassissutit taakku allatut atugassanngorlugit nalunaarsortinneqarsinnaassasut eqqussuinermi akitsuutip ilaata kinguartikkallarnejartup 25 pct.-iinik 10 pct.-iinilluunniit akiliinikkut, inunnik angallassissutit inunnik angallassissutit 115.000 km.-inik 140.000 km.-inilluunniit ingerlaareersimappata.

Eqqussuinermi akitsuutip ilaata kinguartikkallarnejartup akiligassanngorsinnaanera inunnik angallassissutit allatut atugassanngorlugit nalunaarsortinneqarnissaannut attuumassuteqarmat, inunnik angallassissutit inunnik angallassissutaaginnartussat Kalaallit Nunaanni taxanik qamutaatilinnut allanut tunineqarpata eqqussuinermi akitsuutip ilaa kinguartikkallarnejartoq akiligassanngussanngilaq. Maleruagassap taamaattup aammattaaq kingunerissavaa taxanik qamutaatillip napparsimalerneratigut toqneratigulluunniit aningaasat tungaasigut ajornartorsiutaalersinnaasunik pinngitsoortitsinissaq.

Eqqussuinermi akitsuutip ilaata kinguartikkallarnejartup landskarsimut annaasaqaataannginnissaa pitsaanerpaamik qulakkeerniarlugu siunnersuutigineqarpoq, akitsuutip ilaata kinguartikkallarnejartup annertoqqataanut naapertuuttumik piginnittup inunnik angallassissutini Akileraartarnermi Pisortaqarfimmut qularnaveeqqusiutissagaa, qularnaveeqqusiussinerlu taanna siullertut inissisimassasoq. Taxanik qamutaatillip tamanna qinnutigippagu aningaasat qularnaveeqqusiussat taaginnarlugit nalingat ukiut 3-t 4-llu qaangiunneranni appartinneqarsinnaavoq. GrønlandsBANKEN-ip Sparbank Vest-illu nalunaarutigaat, pisortat taamatut qularnaveeqqusiinissamik piumasaqarnerat siunissami inunnik angallassissutitut aningaasaliisarnissani aningaaseriviit naliliisarnissaanut annertuumik allannguuteqartitsissangatinnagu.

Aammattaaq siunnersuutaavoq inunnik angallassissutit namminerisamik atorneqarpata imaluunniit akinit kommunalbestyrelsip angissusiligaanit allaanerusunik akeqartitsilluni angallassisoqarpat eqqussuinermi akitsuutip ilaata kinguartikkallarnejartup tamakkerluni akiligassanngortarnissaa.

Kiisalu siunnersuutaavoq nakkutilliinermut atortoq inunnik angallassissutini ikkunneqarsimasoq peerneqarpat iluarsaatitinnissaaluunniit pinngitsoortinneqarpat, eqqussuinermi akitsuut tamarmiusoq akilerneqassasoq, inunnik angallassissutit inunnik angallassissutitut ukiuni qassini kilometeriniluunniit qassini ingerlaareersimanerat apeqqutaatinnagu.

Siunnersuut selskabenut Mini Taxa 2 18 18 ApS-imut aamma Taxa 2 22 22 ApS-imut tusarniaavigineqareerpoq, taakkulu siunnersuutigaat immikkut akuerineqartumik eqqussuinermi akitsuutip ilaata kinguartikkallarnejartup, akilersornissaanut periarfissiisumik ilanngussisoqartariaqarneranik, imaassimassappat taxanik qamutaatillit iluatsitsinerliornikkut "aserortuinnavissunik" inunnik angallassissutiniq pissarsisimatillutik, imaluunniit iluatsitsinerliornikkut ajutoortoqartillugu inunnik angallassissutit ima ajoqsertigisimatigitillugit, nutaanik pissarsinikkut imminut akilersinnaanerusunik kinguneqartumik. Naalakkersuisut isumaqarput, inunnik angallassissutiniq pissarsinermut pineqartumut oqaaseqaateqarneq nalinginnaasumik inuussutissarsiordermi nalornisoorderup ilagiinnaraa, taamaammallu taxanik qamutaatillit allanik inuussutissarsiuteqartut naligalugit sillimaffigisariaqagaat. Taamaammatt Naalakkersuisut pissutsit taaneqartutut isikkoqartillugit, isumaqanngillat Inatsisartut nioqqutissanut eqquissuinermi - aammalu annissuinermi akitsuutit pillugit inatsisaanni nalinginnaasumik akiliisitsinngitsoorsinnaatitaanerup §§-ini 19-imi 20-ilu periarfissaareernerata saniasigut immikkut akuersissuteqartinneqarsinnaatitaanerup nutaatut isikkulerlugu pilersitsisoqarnissaa pisariaqassasoq.

Siunnersuutip kingunerisaanik landskarsip isertitassatigut annaasassai ukiumut 2 mio. kr.-ussangatinneqarput, nakkutilliinermulli atortup inunnik angallassissutini nutaani ikkunneqarsimanissaanik piumasaqaatip kingunerisaanik angallassinerullu tungaata akileraarusiinermi eqqumaffigineqarnerata annertusarneqarneratigut "nalunaarsorneqanngitsumik ilaasoqarnermi akiliutitigut" isertinneqartussat kingunerisaannik akileraarutitigut annaasassat ukiumut 2 mio. kr.-inik

ikinnerulernissaat naatsorsuutigineqarpoq, taamaattumik pisortat isertitassaat ataatsimut isigalugit inunnik angallassissutinik eqqussuinermi akitsuummik allanngineq sunniuteqassanngilaq.

Siunnersuut allaffissornermut annikitsuinnarmik sunniuteqassaaq.

Aalajangersakkanut ataasiakkaanut oqaaseqaatit

§ 1-mut

Siunnersuutaavoq inuit biiliinik eqqussuinermi akitsuutip § 1, imm. 1, nr. 21, litra a malillugu naatsorsorneqartup 50 pct.-ia kisimi qamutit inunnik angallassissutit Kalaallit Nunaannut eqqunneqarneranni akiligassanngortassasoq.

Malittarisassaq taamaallaat inunnik angallassissutinut inunnik angallassinerinnarmut atorineqartunut atuuppoq. Inunnik angallassissutit allatut atorineqarpata eqqussuinermi akitsuut tamarmiuseroq akilerneqassaaq. Tassa imaappoq inuit biilii inunnik angallassissutit allatullu atorineqartut aalajangersakkami ilaatinneqanngillat.

Eqqussuinermi akitsuutip affaata kinguartikkallarneqarnissaanut piunasaqaataassaaq akitsuutip affaa kinguartikkallarneqartoq pillugu qamutaatillip inunnik angallassissutit Akileraartarnermi Pisorta qarfiimmu qularnaveeqqusiutissagai, qularnaveeqqusiussinerlu taanna pisorta qarfiup siullertut inissisimaffigissagaa. Qamutaatilik allakkatigut qinnuteqarpat litra c-mi d-milu aalajangersakkat malillugit aningaasat taaginnarlugit nalingat appartinneqarsinnaavoq. Eqqussuinermi akitsuut kinguartikkallarneqartoq litra b malillugu akiligassaa junnaassappat, akitsuulluunniit kinguartikkallarneqartoq akilerneqarpat Akileraartarnermi Pisorta qarfiup qularnaveeqqusiussinerup atorunnaarsinneqarnissaa isumagissavaa.

Qularnaveeqqusiussinermik isumaqatigiissutip suliarineqarnissaata kiisalu qularnaveeqqusiussinerup Kalaallit Nunaanni Eqqartuussivimmi nalunaarsorneqarnissaata kingusinneruskullu atorunnaarsinneqarnissaata Akileraartarnermi Pisorta qarfiimmit isumagineqarnissaat, qularnaveeqqusiinermi aningaasartuuteqaqqunagu. Qularnaveeqqusiineq naqissusiinissamik nassataqassanngilaq.

Aammattaaq eqqussuinermi akitsuutip affaanik kinguartitsigallarnissamut piunasaqaataassaaq inunnik angallassissutit nakkutilliinermut atortoqarnissaat, tassuunakkut nalunaarsorneqarsinnaassalluni inunnik angallassissutit ingerlaarnerminni ilaasoqarsimanerat (kilometerit ilaasoqarluni ingerlaarsimanerit).

Ingerlatsinermi aningaasartuutit eqqarsaatigalugit siunnersuutigineqarpoq inunnik angallassissutit ataavartumik sivikinnerpaamik ukiuni 5-ni inunnik angallassissutit atorneqareersimallutik minnerpaamillu 175.000 km.-inik ingerlaareersimallutik allatut atugassanngorlugit nalunaarsortinne qarsinnaassasut eqquusuinermi akitsuut kinguartikkallarnejartoq akiligassanngortinngikkaluarlugu. Illoqarfinni anginerusuni inunnik angallassissutit ukiumut kilometerinik amerlanerujussuarnik ingerlaartarnerat, inunnillu angallassissutit taamaalillutik nungullarnerusarnerat ilisimaneqarmat aammattaaq siunnersuutigineqarpoq inunnik angallassissutit inunnik angallassissutit ataavartumik 250.000 km.-inik ingerlaareersimappata aammattaaq eqquusuinermi akitsuummik kinguartikkallarnejartumik akiliisoqassanngitsoq.

Inunnik angallassissutit akitsuutit tungaasigut nalimikkut appariaataat ukiuni siullerni annertunerpaasarmat, taamatullu ukiuni tulliuttuni minnerusarmat siunnersuutigineqarpoq, inunnik angallassissutit inunnik angallassissutit ataavartumik sivikinnerpaamik ukiuni 3-ni minnerpaamillu 115.000 km.-inik ingerlaareersut allatut atugassanngorlugit nalunaarsorneqarpata qamutaatilik akitsuutip kinguartikkallarnejartup 25 pct.-ianik akiliissasoq. Inunnik angallassissutit inunnik angallassissutit ataavartumik sivikinnerpaamik ukiuni 4-ni minnerpaamillu 140.000 km.-inik ingerlaareersimappata qamutaatilik akitsuutip kinguartikkallarnejartup 10 pct.-ianik akiliissaaq.

Kilometerinut piumasaqaatitigut siunnersuutigineqartutigut qulakkeernejassaaq ilumut inunnik angallassinersooq. Kilometerinut piumasaqaatit 115.000 km.-iusut aamma 140.000 km.-iusut nunamut tamarmut atuutissapput, amerlassusiliinermilu tunngavigineqarput Upernavimmi inunnik angallassissutit ukiumut agguaqatigiissillugu ingerlaartarnerannik paasissutissat.

Eqquusuinermi akitsuutip kinguartikkallarnejartup tamakkiisumik ilaannakortumilluunniit akiligassanngorsinnaanera inunnik angallassissutit allatut atugassanngorlugit nalunaarsortinneqarnerannut imaluunniit piumasaqaatinik naammassinninnginnermut attuumassuteqarmat, inunnik angallassissutit qamutaatiliimit allamit inunnik angallassinermut atuinngassatut tuneqarpata eqquusuinermi akitsuut kinguartikkallarnejartoq akilernejassanngilaq.

Eqquusuinermi akitsuutip kinguartikkallarnejartup ilaa litra a, b, c aamma d naapertorlugit akilernejassappat akitsuut akiligassanngussaaq akitsuummik kinguartitsigallarnissamut patsisaasut atuukkunnaarpata. Akitsuusigassat ullormit patsisaasut atuukkunnaarfianniit aallartittumik akilernejarsarlugit qaammammut 2 pct.-inik ernialernejartassapput. Inunnik angallassissutit allatut atugassanngorlugit nalunaarsortinneqarnerannut atatillugu toqqaannartumik akiliisoqarpat akitsuusigassat ernialernejassanngillat.

Siunnersuutigineqarpoq inunnik angallassissutit nakkutilliinermut atortui ikkunnejarsimasut peernejarpata iluarsartinneqarnissaalluunniit pinngitsoortinneqarpat, inunnik angallassissutit ukiut qassit kilometerilluunniit qassit ingerlaarsimanagerat apeqqutaatinnagu nr. 21, litra a naapertorlugu akitsuut tamakkiisoq akilernejartassasoq. Akitsuusigassaqarpat nakkutilliinermi atortup

ullormit peerneqarfianiit iluarsartinneqarnissaataluunniit pinngitsoortinneraniit akiliisoqarserlugu akitsuusigassat qaammammut 2 pct.-inik ernialerneqartassapput.

Siunnersuutigineqarpoq sumiiffinni ataasiakkaani pissutsit immikkut ittut atuutsillugit inunnik angallassissutini nakkutilliinermut atortunik ikkussinissamut piunasaqaatip malinneqannginnissaata Naalakkersuisunit immikkut akuersissuteqarfigineqarsinnaanissaa. Sumiiffinni ataasiakkaani pissutsit immikkut ittut tassaasinnaapput nakkutilliinermut atortunik iluarsaassinissamut sumiiffimmi nunalluunniit immikkoortuani naammattunik periarfissaqannginneq; sumiiffinni ataasiakkaani inunnik angallassisinnaanermut akuersissutit amerlanngitsut "nalunaarsugaanngitsumik ilaasoqarnermi isertitat il.il." pillugit nakkutilliinissamut qulakkeeriniutit allat tapullugit. Naalakkersuisut immikkut akuersissuteqarnerminnut atatillugu ilaatigut piunasaqaatigisinnaavaat inunnik angallassissutit illoqarfimmi allami qamutaatilimmut tunineqarneranni nakkutilliinermut atortunik ikkussuiffineqarsimanissaat.

Siunnersuutigineqarpoq eqqussuinermi akitsuummik kinguartitsigallarnissamut piunasaqaatit ilassaannik Naalakkersuisut immikkut ittunik nakkutilliinermut maleruagassiorsinnaassasut kiisalu nakkutilliinermut atortunik litra a-mi taaneqartumik ikkussinissamut maleruagassiorsinnaassasut.

§ 2-mut

Inatsisip ulloq 1. januar 2001-imiit atuutilernissaa siunnersuutaavoq, atuutissasorlu inuit biiliinut inunnik angallassissutaannartut atugassatut ulloq taanna aallarnerfigalugu nunamut eqqussorneqartunut. Aammattaaq aalajangersakkami ilaatinneqassapput inuit biilii suli ingerlasimanngitsut tuniniaasumillu uninngasuutigineqartut.